

Universitätsbibliothek Paderborn

R. P. Richardi Arsdekin Soc. Jesu Sac. Theol. Professoris Theologia Tripartita Universa

Complectens nunc Bibliothecam perfectam Viri Ecclesiastici, ordine
sequenti

Controversiae Heterodoxae Ac Scholasticae - Cum speciali Notitia rerum
Modernarum, & Chronologia totius Monarchiae Sacrae, & Saecularis,
Pontificum, Conciliorum &c. Haeresum omnium, ac Propositionum
damnatarum Mundi Sex Aetatum ...

Archdekin, Richard

Dilingae, 1687

§. 1. Exponitur status Controversiæ.

urn:nbn:de:hbz:466:1-38447

Controversia de gratia & prædestinatione supra notavimus. trahit. 2. cap. 2.

§. II.

An possibile sit hominem condi in statu pure naturæ absque dono supernaturali gratie?

Status pure naturæ est, in quo homo tantum sortiatur perfectiones naturæ debitas, & ordinetur ad beatitudinem naturalem distinctam à clara Dei visione. Hunc statum prorsus impossibilem esse, post Bajum, ita defendit Janenius Irenensis lib. 1. & 2. de statu puræ nat. ut possibiliteris istius assertores proclameret reos esse Pelagianini, doctrinæ Augustinianæ corruptores, & divinæ iustitiae ac providentiae evertores. Unde ulterius docet, sine iustitia, & bona voluntate creaturam rationalem à Deo condi non posse, neque creaturæ innocentia sine iustitia beatitudinem supernaturalem negari, neque posse morti ac miseriis obnoxiam relinquere. Ex quibus aperte sequitur gratiam divinam sic non esse donum naturæ indebitum.

At contra, omnino dicendum est, possibilem esse statum puræ naturæ. Estque hæc communis Theologorum doctrina cum D. Thoma. 1. part. quæst. 59. art. 1. & alibi frequenter. Consentit Scotus in 2. dist. 28. quæst. unica, Nominales, aliqui Doctores, ac Patres, quæ ex illo ad Roman. 5. *Claritas Dei diffusa est in cordibus nostris per Spiritum S. qui datus est nobis*, deducunt gratiam actualē & veram iustitiam esse singularē donum nobis indebitum; ergo natura non potest illam gratiam, qua ad iustitiam & charitatem ordinatur, ita sibi vindicare, ut non possit sine illa creari. Idque confirmatur ex S. Augustino tum alibi, tum lib. 3. contra Maximum cap. 15. *Homo ad Dei similitudinem factus, non est verus filius, & ideo fit gratia filius quia non est natura*.

Probatur 2. ex Decreto trium Pontificum contra Michaelis Baji propositionem 26. *Integritas prime creationis non fuit indebita humanae nature exaltatio, sed naturalis ejus conditio*: Et prop. 55. *Deus non potuisse ab initio talem creare hominem qualis nunc nascitur*. Ergo ex sensu Ecclesiæ doctrine Bajana opposito, potuit homo ab initio creare qualis nunc nascitur absq; sanctitate, & dono integratius, qui esset status puræ naturæ. Et verò ratio ipsa docet, dona quibus constitutur status innocentia, neque esse proprietates naturæ humanae per se spectatae, neque ea ex meritis illi deberi, cum hominis creatio nullum meritum præsupponat, ac proinde nihil obesse quo minus possit in statu puræ naturæ donis illis orbata creari, obnoxia concupiscentia, & morti, & miseriis statum hominis naturalem consequentibus; munienda tamen fuisse tunc natura humana præsidii ordinis naturalis, quibus possit peccata evitare.

Objicies primò S. Augustinus lib. 3. de peccat. meritis cap. ult. & paſſim in Opere imperfecto, & alibi, agens contra Pelagianos urge fructu baptizari infantes quia innocentia naturali annexa est sanctitas & gratia. Hoc verò argumentum nullius foret ratione si possibilis esset status puræ naturæ.

Respondeo primò, hoc argumento nimium probari: inde enim sequeretur quod Augustinus plus attribuerit naturæ secundum se, quam ipse Pelagius: quia hic negabat naturæ parvolorum etiam innocentia de-

bitam esse adoptionem in filios Dei, ad veram sanctitatem, & gloriam, ideoque in ordine ad hæc dona obtinenda afferebat Baptismum esse necessarium: quod si S. Augustinus vellit dona ista sic debita esse natura ut non possit sine illis creari, in efferenda natura longè Pelagium antecederet, quod nemo admisit.

Respondeo igitur secundò, dum affert S. Augustinus, si abesse originale, innocentia naturali annexam fore sanctitatem & gratiam, illum procedere ex suppositione providentie supernaturalis jam à Deo constituta, & promissa de iustitia infundenda ubi non esset obex peccati. Cum enim eo nunc supposito non detur status medius inter statum iustitiae & peccati, rectè arguit contra Pelagianos, si dicant infantes esse sine peccato originali, illos esse in statu iustitiae, adeoque fructu baptizari ad iustitiam obtinendam, aut peccatum expiadendum. Hoc itaque dictum S. Augustini juxta præsentem rerum statum, nihil facit contra statum puræ naturæ possibilem.

Objicies secundò: S. Augustinus lib. de Spiritu & littera cap. 27. contendit hominem naturaliter esse Dei imaginem, & statum gratiae illi esse naturalem, &c. Hoc, inquit, agit Spiritus gratia ut imagine Dei, in qua naturaliter facti sumus, in nobis restau- ret: Et lib. 3. de libero arbitrio. cap. 18. ait, errare, & torqueri &c. non est natura instituti hominis, sed pena damnati. Ergo status innocentia fuit Adamo naturaliter debitus, adeoque status puræ naturæ impossibilis.

Respondeo neg. consequentiam. Sed id est tan- tum tradit nos in imagine Dei naturaliter conditos, quia ipsa natura secundum se considerata, est quadam Dei imago, & multò magis prout fuit in Adamo cum sanctitate de facto creata. Hoc igitur modo rectè dicitur, quod errare, aut torqueri, non sit secundum naturam instituti hominis prout scilicet cum singularibus Dei donis de facto condita fuit. Hinc, naturaliter, non sumitur ibi prout opponitur statu supernaturali, sed illi qui est contra naturam, & morales defectus qui eam comitantur. Et hac ratione solvunt dicta quedam aliorum Patrum, dum asserunt dignitatem illam Adamo fuisse naturalem: tan- tum enim volunt eam fuisse Adamo concretam, sicut dicimus illum naturalem esse haeredem coronam, cui contingit nasci cum jure ad regni coronam, quamvis absolute sine isto jure nasci potuerit.

CONTROVERSIA QUINTA.

An, & qualis detur Gratia sufficiens?

§. I.

Exponitur status Controversie.

Gratia sufficiens sumi potest prout opponitur in sufficienti, quæ ad certum effectum v. g. ad amorem Dei nec proximè, nec remotè sufficit. Gratia verò sufficiens huic opposita talis est, ut possit vel proximè, vel remotè certum actum v. g. Dei amorem inferre, proximè quidem, si præter eam alia gratia non requiratur, remotè verò si non sufficiat per se ad amorem eliciendum, possit tamen sufficere ad actum fidei, vel alium, per quem obtinebitur gratia ulterior ad Dei amorem requirita.

Sed communius gratia sufficiens accipitur pro ea, quæ

quæ opponitur gratiæ efficaci, est quæ talis ut possit voluntas cum ea exercere actum ad quem conceditur, defacto tamen eum non exerceat, & hac dicitur grata merè sufficientis; nam gratia efficax non tantum est sufficientis, sed etiam semper cum actu connexa.

De gratia ergo merè sufficienti hic querimus, An jam in statu naturæ lapsa talis detur, quæ effectum suum non fortitur? Negat primò Calvinus lib. 2, instit. cap. 3, assertens omnem gratiam internam esse feriam & efficacem, daritatem vocationem externam aliquando inefficacem, cui dum voluntas non obtemperat peccatum admittit, tametsi ab obtemperandum gratiæ internâ deſtituitur.

Secundò, docet Jansenius lib. 3. de gratia Christi cap. 1. Etsi data fuerit Adamo, & Angelis, nullam ramen jam in statu nature lapsa concedi gratiam sufficientem quin simul sit efficax v. g. nunquam dari gratiam, proximè sufficientem ad amandum Deum, quin amor ille à voluntate eliciatur. Hinc istam gratiam vocat perniciosa, inutilem laporum reparacioni, & monstrum quoddam singulare gratie, novumque genus Augustino, Patribus, & D. Thomæ incognitum, & à Pelagianis excogitatum. Afferit quoque secum sentire in hoc Alvarez, Zumel, & alios Thomistas. Certum verò est illos in terminis doceare dari de facto gratiam verè sufficientem, & omnino conari ut eam componant cum physica prædeterminatione, quam ajunt ad omnes actus requiri.

§. II.

Admittenda est Gratia merè sufficientis.

Probatur primò ex Scripturis, Matthæi 11. Si in Tyro, & Sidone facta fuissent virtutes que in vobis, pridem in Cilicio & cinere paenitentiam egissent. Ubi Christus exprobarat Iudeis quod non fuerint conversi ad paenitentiam cum illa gratia, cum qua Tyri & Sidonii, si eam habuissent, paenitentiam egissent. Atqui illa gratia fuit sufficientis ad paenitendum, cum illa enim Tyrii & Sidonii actum paenitentiae elicissent si iis concessa fuisset. Ergo illa talis est ut potuerit in Iudeis effectum habere, quem tamen fortita non fuit; alias, contra eos iniqua fuisset Christi exhortatio si cum ea gratia actum paenitentiae elicere non potuissent.

Sed, inquires, S. Augustinus lib. 2. de bono persever. cap. 14. de Tyriis & Sidonii pronunciant: Quoniam ut crederent non erat eis datum, etiam unde crederent est negatum. Respondeo S. Augustinum tantum negare Tyriis datam esse gratiam quam Deus prævidit fore efficacem, sive quæ erant actu credituri; non negat autem datam esse aliquam sufficientem: neque aut credituros non fuisse si habuissent gratiam Iudeis concessam, cum Christus credituros disertè affirmet.

Eodem spectacillud Proverb. cap. 1. vocari & renuiſſi. Et ad Rom. 2. An dexteritas bonitatis ejus, & patientia, & benignitatis contemnitis? Atque alia non minus manifesta Scripturarum oracula, quæ toties inculcant, peccantibus dari gratiam cum qua poterant recte operari, nisi illam propriæ voluntatis arbitrio caslam, & in fructuosam reddidissent.

His conformia sunt Conciliorum decreta, ac novissime Tridentini Sess. 6. cap. 11. ubi dum docet, justos R. P. Arsdæk. Tom. I.

posse per Christum piè vivere, & proficere, subdit rationem, Deus enim semel justificatos non deserit, nisi ab iis prius deseratur. Et cap. 13. docet justificatos in Dei auxilio firmissimam spem collocare debere, Deus enim inquit, nisi ipsi illis gratia defuerint, sicut capit opus bonum ita perficiet. In quibus Concilium aperte supponit iustis præberi gratiam sufficientem, & defectum bonis operationis in nostra tantum voluntate residere.

Subscriptit difert S. Augustinus tum sèpè alibi, tum l. 80. trium questionum. q. 68. Nec illi, inquit, qui noluerunt venire debent alteri tribunere sed tantum sibi, quoniam ut venirent vocati, erat in eorum libera potestate. Idem exprimit lib. 1. ad Simplicianum q. 2. Idem fuisse urget trahit. 3. in Joannem, ubi docet, Deum impetriri potestem, ut possimus filii Dei fieri per gratiam, hominem verò per liberum arbitrium gratiæ obluctari.

Postremò, veritas hujus doctrinæ invide probatur, ex eo quod inter quinque propositiones Janenii, hæc ut heretica damnatur: *Interiori gratia in statu naturæ lapsa nunquam restituitur.* Hæc enim propositio in sensu authoris assit, gratiam semper habere omnem effectum quem hic & nunc obtinere potest, & ad quem à Deo conceditur, licet non cauet effectum ad quem actu non datur, aut quem in aliis circumstantiis obtinuerit. Itaque ex damnatione prædictæ propositionis in sensu authoris, satis liquet definitum esse, interiori gratia aliquando restisti, sive eam non habere effectum quem hic & nunc obtinere potest, & ad quem conceditur, atque adeò dari gratiam merè sufficientem: non enim rectè dicitur restisti gratia, nisi frustrando illam effectu ad quem hic & nunc à Deo ordinatur.

Objiciunt Adversarii contra gratiam merè sufficientem, Primo, hæc gratia sufficientis, est illa gratia Possibilitatis à Pelagianis olim asserta, & ab Augustino semper reprobatæ. Secundò, Gratia sufficientis à natura requiritur ad non peccandum: Ergo est naturæ debita: si est debita, ergo non est gratia. Tertiò talis gratia sufficientis nunquam fortuit effectum; Ergo est aliquod inutile & monstrosum genus gratiæ, qualis est medicina que nulli unquam prodebet. Ut hæc, & his affinia breviter dissolvantur.

Respondeo ad primum, Duplicem dari possibilitatem bene operandi, aliam fundatam in solis viribus naturæ, quam in Pelagianis Augustinus constanter oppugnabat lib. de natura & gratia, Cap. 11. & alibi. Alia est possibilitas quæ tantum habetur in natura per gratiam adjuta, & hæc includit gratiam sufficientem quæ natura fit potens ut rectè operetur, etiam pro eo tempore quo negligit gratiæ cooperari: & hanc disertet Augustinus eodem lib. de nat. & grat. cap. 43.

Ad secundum, Negatur ultima consequentia: Sic homini justo debetur gloria, hæc tamen vera est gratia. Quia igitur gratia sufficientis debetur naturæ, non prout est in se, sed tantum naturæ supernaturaliter elevata, hinc vera est gratia & naturæ secundum spectatæ omnino indebita.

Ad tertium, Neganda est etiam consequentia: Farentur enim adversarii gratiam purè sufficientem in Angelis non fuisse monstrabilem, etsi eorum virtus non fuerit fortita effectum: idem ergo de nostra admittendum est, quia quantum est ex parte, & virtute gratiæ, potest sequi effectus, & de facto alia

Q. 2

gratia

Isde
kinTheo.
logia

B. 28